



Minggu, 05 Pebruari 2023

Ogen: Hosea 6:7-11



Kejahaten Si Isengaja



Pekulah-lulah, e me perbahanen si ciga ate Tuhan. Teridah tempa mehuli tapi situhuna meluat perbahanen ras lagu langkana. Ietehna si mehuli tapi gatin idalankenna si la mehuli. Kegeluhen bangsa Israel pe tupung ielai nabi Hosea bagi si ituriken i datas ndai, e me pekulah-kulah. Jera tapi la alu ukur tutus. Itandaina biak Tuhan si dem alu keleng ate, ietehna Tuhan e setia nandangi kai si enggo pernah ibelaskenna, ietehna Tuhan e labo rasa lalap merawa. E maka tempa tutus ate bangsa Israel ndahi Tuhan tapi kedungenna ielukkenna ka nge. Bagi main-main ia ras Tuhan e, nina sapih-sapi ia, sendah kita ligasna pagi itamana kange minak ku kulanta e. Jadi usur-usur saja erbahan jahat sabap pagin uga pa pe ikelengiNa nge. Bage me perbahanen bangsa Israel e, la sitik pe encidahken kehamaten man Tuhan.

Ituriken Tuhan kai saja kejahatan si ilkoken bangsa Israel, e me: ngelanggar padan si enggo ibahan Dibata man bana. Imam-imam bali ras gerombolan pengerampok nggempangi kalak. Kerina kejahatan e ilakokenna alu sengaja. Sada nari si mejin si ilakoken kalak Israel e me ngeliami dirina jine, alu erlua-lua ras nembah berhala-berhala. Situhuna perbahanen si bage ciga kal ate Tuhan.

Perbahanen pekulah-kulah enda megati pe jadi i bas kita. tatape darat nari tempa kita tutus erkiniteken. Sabab megati kita tutus ku perpulungen, latihan koor, ngikuti kebaktin minggu ras sidebanna. Tempa si tandai Dibata e tapi la siikutken karakterNa si setia e ras si erkeleng ate e. Biak si jahat si pebelin alu melasken, adi sitik nge kita erbual, Tuhan pe maklum nge. Tuhan me maha pengampun, ialemina nge kita bas kesalahennta. Tapi si usur-usur erbahan si jaat. Enda me si ikataken kejahatan si isengaja. Hukumen si rasa lalap jadi sikerajangen kalak si tetap ngelakoken si jahat.